

وسعك فوقته في الحال برتأديه طلب ايديلديكي حاليه يته بورجني
ايفايه چالشمق ؛ عجز سبيله فريضه جهاد ساقط اولديني بروقته يته
اعداد قوتله جهاده حاضر لائق واجيدر . يالكز حج استطاعتي بويله
دكلدر كه عدمي حالنده آني تحصيل ايتك واجب اولمايور ؛ زيرا اوراده كي
وجوب آنحج استطاعتك كنديسيه تمام اوليور . شيخ الاسلام

ترجمي : عمر رضا احمد ابن تيمية الحراني

مَقَالَتُ

انكيز سياستك سقوط عظيمي

تا بدايت حربده انكليزلر هندستان مسلمانلرينك حسيات ديني لريني
اوقشامق مقصديله نشر ايتدكلري برتبليغ رسمجده اسلامك مقدس
ومحترم بلده لرينه قارشى هيچ برحركت حربيده بولونمايه جقلريني مقام
افنخارده ، زواللى هندلى دينداشلمز بهلديرهك آنلري افنعا
چاليشدى . في الواقع برقاج آي ده بو صورتله كچدى . لكن ائتلاف مثلثك
هزيمتلى توالى ايدوب طوردى . قهرمان هيدنبورغك روسلره
اينديرديكي ضربهك استانبول اوزرنده تلافى ايديلسي روسيهك بك
شدتلى تشبثات واصرارى اوزرينه ، انكليز - فرانسز بحرسفيدونانمارلينه
حواله اولدى .

يكر منجي عصر فينك الك متين ودهاش متحرك قلعه لريله دار الخلافه
قاپوسنده مخصاصاته باشلاديلر . انكليز - فرانسز دونانماسى قلعه واستحكاك
ماتمزي بويوك چاپده كي طويار ينك قوتيله اسكات ايدم جكلرينه ذاهب
اوله رق ظفر شللكلريني استانبولده كچيرمك اوزره بولونقلريني افراده
تفهيم ايدبورلر ، افراد ايسه ويسكي ايله آپستك تاثيريله استانبولده
كچيره جكلري اكانجهلى كيجه لرك نوشين خيالانيله سرمست بولونيورلردى .
غافل انكليزلر ناصيل اولدى ده حسابى ياكليش ياديلر ؟ محافظه كار
ومنفعتلريني ابي حسابلا مقبله اشهار ايدن انكليزلر ! .. مسلمانلرك او
بي امان مشهور دوستلري ! .. ناصيل اولدى ده بو حسابده ياكليديلر ؟ ..

بوغازلر وازمير مغلوبيتك تاثيراتى يالكز بريتانيا آطه لرينه انحصار
ايمه يور . بو مسلمان مظفريتك هندلى دينداشلمز اوزرنده حصوله
كتيره جكي ممنونيت بخش تاثيرات فوق العاده در . اسلام دوستك (!) بويله
دها برچوق مغلوبيتلره دوچار اولسنى بوتون مسلمانلر جناب حقدن
تمنى ايتمكده درلر . بويله مليونلرجه معصوملرك دعالري البتده عندالهيده
مستجاب اولور . معصوملرك حاميسى اللهدر . هندلى دينداشلمز انكليز
عنهات سياسيه سنك نتيجه سى اوله رق بوكون مدافعه نفس ايجون بيله

ابوبكر وعمره اقتدا ايدكلر ! ، بيور مشلردر . ابوبكر الصديق حضرتلري
اهل ارتداد ايله محاربه اناسنده حضرت عمر ك وديكر صحابهك
(رضى الله عنهم اجمعين) شجاعته فائق برشجاعت قابيه كوستردى .
مصالحي امتي اداره ده محافظه اموال كي امنيته متوقف خصوصانده
امين اولان تقديم ايديلير . بونك كي بتون مصالح امتده دائما اصالح ترجيح
ايديلير ، بر دانه سى كفايت ايتمزه بردن فضله تعيين ايديلير .

مصالحي شريعده ده عالم ، دها متقى ، دها اهليتلى اولانلر تقديم
ايديلير . شايد برى دها عالم ، ديكرى دها متقى ايسه احتراصاته مخالفت
ايدم جكي وحكمنى اظهار ايدم بيله جكي يرلرده دها متقى اولان ؛ شبهه
دوشمكدن قورقيله حق ، دقيق حكمرويرلسى ايجاب ايدم جك يرلرده دها
عالم اولان تقديم ايديلير . عليه الصلاة والسلام افنديم برحديث
شريفده بيور مشلرك : « ان الله يحب البصر النافذ عند ورود الشبهات ويحب
العقل عند حلول الشهوات = جناب حق ، شبهه لرك ورودى آننده
حقيقته نفوذ ايدن نظرلري ؛ شهوات نفسانيهك هجومى زماننده
اراده سنه صاحب اولان عقللري سور . » اكر قاضى قوماندان ، ياخود
اهالى طرفندن تاييد نام ايله مؤيد بوليورسه دها متقى ودها عالم
اولانلر دها اهليتلى اولانلره تقديم ايديلير . نه وقت مصالح
شرعيه قاضينك عام وتقواسندن زياده قوتنه احتياج كوسترسه
اووقت اهليتلى اولان تقديم ايديلير . چونكه على الاطلاق قاضىك
عالم ، عادل ومقتدر اولسى لازم كنديكى كي ؛ بتون مصالح اسلاميه بي
اله آلانلرك ده بويله اولسى ايجاب ايدر . بو صفتلردن بريسي ناقص
اولنجه درحال بوزوقلق باش كوسترر . أهليت يا شدت وترهيب ،
ياخود احسان وترغب ايله در . في الحقيقه هر ايكي سى ده لازمدر .

بعض علمايه : « شايد فاسق برعالم ايله ديندار برجاهلدين بشقه مصالح
شرعيه يه تعيين ايديله جك آدم بولنمازسه بونلر كه هانكيسى تقديم ايديلير ؟ »
ديه صورولمش . جواباً : « اكر فسادك چوغاللسندن طولاني دينداره
احتياج دها زياده ايسه ديندار اولان تقديم ايديلير . فقط عوالمك ايجله كي
وحقلرنده لاحق اولان حكملرك خفي اولسى طولاي سييله عالمه احتياج
چوق ايسه عالم اولان تقديم ايديلير . » ديمشك . اكر علماديندار اولاني
تقديم ايدرلر . زيرا ائمه ولى الامر ك مطلقا عادل وشهادته اهل اولسى
لزومنده متفق اولدقلري حالده علم خصوصانده - يعنى ولى الامر ك
مطلقا مجتهد اولماسيمى ايجاب ايدر ، يوقسه مقلد اولسى جائزيدر ؟
ياخود اصالح موجودى اولميدر ؟ حقنده - اختلاف ايتملردر .

فقط هر حالده ممكن اولديني قدر - ديكر بر يرده تفصيلاً بيان
ايديله جكي اوزره اوچ قوله كوره - « افضل » ك تعيين ايدلسى ايجاب
ايدر . عندالضرورة اهل اوليسان ، اكر موجود اولانلرك اصلحي
ايسه تعيينى جائزدر . بونكله برابر ولايت وامارت خصوصانده خلقك
مستغنى اوله مايه جقلري شيلر تماماً وكاملاً وجود اولونجه يه قدر احوالى
اصلاح ايتلى . نته كم ضرورت حالنده بولونان بر آدم ايجون كنديسندن

الکسیط بر آت تدافعیه مالک بولونقلری البت قارئین کرامت معلومدر .
 بویله اولقله برابر طرف طرف وقوع بولمقد اولان قیاملر جدآشایان
 تقدیردر . یاقینده انشاءالله افغانستان و بلوچستانک یاریمیه باشلرنده کی
 اسارت بویوندورغنی قیره رق فلاح وسعادته مظهر اوله جقارددر .
 مسلمانلر ایچون کعبه معظمه ، مکّه مکرمه نه قدر محترم ایسه مقام
 معلاى خلافت اسلامیه ده او قدر محترمدر . مقدس اسلام بلادینه قارشى
 تعقیب ایده جکی خط حرکتی تبلیغ رسمیه سیله بیسان ایدن انکلتزه
 صره سی کلنجه هیچ برشی طانیایور . استانبول انکلیز نظریه سنججه
 اسلامک محترم بلادی عدادینه داخل دکل ایش ! انکلیزلر ، قوجه حریفلر ،
 سوزک سوز اولدیغنی بیاندن چکنمه یں اسلام دوستی (!) انکلتزه ،
 ایشته بو صورتله حرکت ایدیور . انکلیزلر مستریخ اولسونلر ، عالم
 اسلام آنلرک دوستقلرینک جدیدتی کرک بوغازلر ، کرک حجاز سواحلی
 بومباردمانی ایله پک کوزل آکلادی .

علی حکمت ناهید

شرق ایشه قاریشیور

بو هفته ظرفنده شرقدن آلتان خبرلر پک اطمشان بخش و عمالک
 مذکورہ نک یاقین زمانده انکلتزه و روسیه قارشو وضعیتلری دیکشدرم .
 جکلری آکلایشیلور . انکلتزه هندستانه یکی باشند انکلتزه دن بیاض
 عسکر کوندرمکه فعلاً تشبث ایلسی و هند والی عمومیسینک تنسیبیه
 بالعموم هندستانده اداره عرفیه نک اعلان اولمشی کیفیتی ، هندستانده کی
 آسایش عمومینک پکده مطلوب برحاله دوام ایتمه مکده اولدیغنی اشراب
 ایدیور . انکلتزه مطبوعاتنکده هند احوالی حقنده کی نشریات
 و مطالعاتی ، احوالک موجب اندیشه اولدیغنی کوسترمکده در . صورت ،
 حیدرآباد ، پنجاب و کالکوتہ ایله کراچی شهرلرنده همان هرکون انکلیزلر
 علیهنده حرکات انتقامجویانه اجرا ایدیور . بومبا و ساحله مأمورین
 ملکیه و عسکریه به منسوب پک چوق انکلیزلرک بریلر طرفندن اتلاف
 ایدلیکی آژانسلرک سامعه مزه ایصال ایتدکلری جله حوادندندر .

هندستان هر درلو اختلاطدن ممنوع و اهالیسنک آمد شدی
 - ده اطوغریسی محبوس بر حاله بولمسه یدیلر - خارجله
 کیلیمش بولمسه یدی احتمالکده زیاده حقایقه واقف اولوردق .
 فقط مواصلات یوللری تمامیه انکلیزلر النده بولندیغندن اودیاریمیده ده
 جریان ایتمکده اولان وقایعک ماهیاتندن کرکی کبی خبر آله میورز .
 انکلتزه نک استبداد مدینسندن ، انتریقه لرندن اوصانمش اولان هندستان
 اهالیسنک بوسیره ده ساکت قالمیه جقلری هرکس بیلیر . حرب عمومینک
 دوامیه ، انکلیزلرک کوندن کونه وقوع بولان هزیمتلرندن البسه

هندلیلرکده استفاده ایتمک طرفدار بولندقلری طبعیدر . چونکه
 انکلتزه نک ۳۲۵ میلیون هندو و مسلمانک بویونلرینه صیقیجه طاقش
 اولدیغنی کولهک بویوندورغنی قیرمغنی هندلیلر هر حالده دوشونیورلر .
 بونک ایچون اوتوز سنه در هندستانده غایت خفی صورتده چالیشیلور .
 احوال حاضرہ ایله انکلتزه نک استبدادی اخیراً - شوصوک کونلرده -
 وئیلرله مسلمانلر آره سنده براتحاد حقیقی حصوله کتیرمشدر . اختلافات
 سابقه شیمدیلک برطرفه آتیلمش ، یالکز هندستانک اعاده استقلاللی
 جهتی تحت تأمل و تفکره آلمقددر . مستخبرات مخصوصه مزه نظراً
 انکلیزلر ، پک یاقینلرده هندستانده کی مسلمانلری ایفاظ ایدوب ، آنلره
 منافع حقیقیه لرینی اوکره تن و یکی بر اسلامی و سیاسی جریان ایجادینه
 سببیت ویرن کنج ، متدین مسلمانلری حبس و توقیف
 ایده رک ، هر درلو اختلاطدن منع ایشدر . شیمدی به قدر بونلردن
 یالکز ایکسینک اسمنی خبر آله بیلدک . بریسی (لاهور) ده بومی
 انتشار ایدن (زمیندار) غزنه سنک سر محرری مولوی ظفر علی خان در .
 مشارالیه بالقان محاربه سی اتناسنده عثمانلی هلال احمر جمعیتده اعانات
 طویلامقد بویوک بر اثر حمیت ابراز ایتمش و اوزماندن بری انکلیزلرک
 غیض و نفرتلری جلب ایتشیدی . ظفر علی خانک استانبوله کلوب ،
 عثمانلیلرله اختلاطده بولمشی انکلیز سفیری چکه میهرک ، حقنده پک
 فنا راپورلر هند والی عمومیسینه کوندرمشیدی . ایکنجی ذات ایسه ،
 علیکر دارالفنونی مأذونلرندن و هندستانک ارباب قلمندن مولوی
 (حسرت موهانی) درکه اولجه (اردوی معلمی) جریده سنی نشریاتدیکی
 صیره ده انکلیزلر علیهنده پک فنا نشریایده بولنوب ماهیت ظالمانه لرینی
 اهالی به طانتدیردیغندن ، مومی الیه ایکی سنه قدر حبس جزاسنه محکوم
 ایتشلردی که بوظلملری بوکره ایکنجی دفعه اوله رق تطبیقه چالیشملرددر .
 مقام معلاى خلافتیه قلباریله ، بوتون موجودیتلریله جوزولمز
 بر رابطه ایله مربوط بولان هند مسلمانلری ، طرف جلیل خلافتدن
 ائتلاف مثک علیهنده نشر بویوردقلری جهاد فتوالری خبر آلدقدن
 صوکره - که چوقدن بوکا کسب وقوف ایتشلرددر - راحت اوطوره -
 مبه جقلری قضایای مسلمه دندر . بالاده کی اسبابه بناء هر حالده
 هندستانده بزم خاطر و خیالزده کلیان پک عظیم ومدھش حادثه لر یوز
 کوسترمشدرکه ، انکلتزه حکومتی اوروبادن انکلیز عسکرلری اورایه
 سوق ایتمک مجبور اولمشدر .

بو سوقیادن ده بشقه شیلرده استدلال ایده بیلیورز . انکلیزلرک
 بوندن مقصدی هندستانده کی برلی عسکرلره امنیت واعتمادیده ملری کیفیتی
 اولسه کرکدر . آکلایشیلورکه برلی عساکر ، حقوق مقصوبه لرینی
 استرداد ایتک ایچون اهالی محلیه نک طرفنی التزام ایله کندی و طندا .
 اشلرینه ، دین قارده شلرینه سلاح آتامغه عهد و پیمان ایتشلرددر .
 احتمالکده هندستانده کی بت پرست ناسیونالیستلر بو کون شمندوفرلری ،